

Թիւնն իր իսկ կազմակերպւած բազմի մէջ պիտի որոնել՝ իսլամական ծովի մէջ: Եւ այդ բազմակն էր միայն, որ իսլամի ուղիղ հաշիւական փոքրիկ մոլոյնն այն ժամանակ, երբ մեզնից շատ ուժեղ ազդեր Ասիայի պատմաբանից ընդմիջտ և անհետ հեռացան:

Բայց միթէ՞ պայքարելով մէկտեղ նաև չենք բանակցել: Միթէ՞ Հայ Ժողովուրդն այնքան է խելացնոր, որ պատմարտի մանի ամբողջ իսլամ աշխարհի հետ: Մեր պայքարի ամենագլխաւոր ժամին իսկ մենք բարեկամական ձեռք ենք մեկնել Թիւրքիային և պիտի մեկնենք, թէ և փորձերը միշտ եղել են ապարդիւն և ապարդիւն էլ, հաւանորէն, դեռ պիտի մնան, որովհետեւ Թիւրքիայի հետ լեզու գտնելու համար, նախ և առաջ, հօգոր և յաղթական բազուկ պիտի գտնել:

Հ. Յ. Դաշնակցութիւնն այս քաղաքականութիւնն է ահա ունեցել իր երեսնամեայ պատմութեան ընթացքում ամէն անգամ, երբ Հայաստանի և Հայ Ժողովրդի վրա սկսել է սաւառնել Թիւրքիայի ուրաւկանը:

Հայ ազատագրութեան պատմութիւնից մի էջ միայն ձեզ պիտի յիշեցնեմ, որի հանգէպ ապագայ պատմագիրը կոյր հիացմունքի խօսք ունի առեւտ, այդ ըմբոստ Զանգեզուրի Աղզային խորհրդի պատասխանն է հօգոր Բրիտանիայի ներկայացուցիչներին, երբ նրանք Բագլի բրիտանական հրամանատարութեան կարգադրութեամբ ուղղում էին զօրք մտցնել Զանգեզուր:

«Մենք գիտենք, պատասխանեց յատուկ գրութեամբ Աղզային խորհուրդը, — որ ձեր յետևից Թիւրք բանակն է գալիս Զանգեզուր, այդ պատճառով դուք միայն մեր գիտելների վրայով կարող էք մեր երկրի սահմանները կոխել: Թող որ աշխարհը խմանայ, որ նաև Անգլիայի ձեռքով Հայ Ժողովրդի արևուն հոսեց, մենք ձեզ կամովին մեր կեանքն ու հայրենիքը չենք յանձնի» (ծափեր): Այսպէս էր Ղարաբաղի Հայ դիւղացիութեան կամքն ու վճիռն Անգլիայի ժամանակ ու բնական է, որ այդպէս պիտի լինի նաև այսօր, երբ այդ հողամասը մանողն արգէն «բուլքիկ» դարձած Թիւրքիան է (ծափեր): Բայց ամենից պաշտպանական այն է, որ մեզ այսօր ուսատեաց են անւանում:

Ի՞նչ էին ասում մեզ Աղբրէջանն ու Վրաստանը ամէն օր, ամէն տեղ. «Հ. Յ. Դաշնակցութիւնը ուղտատէր է, Ռուսաստանն է ուղում բերել Անգլիկոսին»: Այսօր Դաշնակցութիւնը դարձել է ուսատեաց, իսկ Աղբրէջանը՝ ուսատէ՛ր...

Չէ՞ք զգում արգեօք, որ այս ծաղր ու հեղանք է պատմութեան Հասցէին:

Դուք, պարոնայք հակառակորդներ, լաւ լսեցէք, մենք ոչ ուսատեաց ենք և ոչ ուսատէր, ոչ թրքատէր ենք և ոչ թրքատեաց. մենք սիրում ենք Հայ Ժողովուրդը կոյր և մօլի սիրով, ամէն գնով պիտի պաշտպանենք նրա գոյութիւնը և պատրաստ ենք բանակցելու ամենքի հետ, ով հաշտում է Հայ Ժողովրդի գոյութեան և նրա հայրենիքի անկախութեան հետ (ծափախաղալով):

Տարիների քաղաքականութիւնն էք արգեօք որոշում դուք այսօր, երբ Հայ Ժողովրդի գոյութեան խնդիրն է դրւած հրապարակի վրա. որոշեցէք ինչ կուղէք, բայց գիտեցէք որ Ղարաբաղն ու Զանգեզուրը և այդպէս Հայաստանի ամէն մի հատւած գիտէ իր բախտը տնօրինել այնպէս, ինչպէս նրան իր առողջ բնազդն է հրահանգում:

Աստուածների, սրբութիւնների, գաղափարների ու դաւանանքների սրբապղծութիւնն է ամենուրեք: Ո՞վ է «կարմիր» այսօր. ամենքը՝ և Նուրին, և Պալիլը, և Քեաղիմը, և Քեմալը, և Սուլթանովը: Պատմութեան